

গণপ্রজাতন্ত্রী বাংলাদেশ সরকার  
তথ্য অধিদফতর  
বাংলাদেশ সচিবালয়  
ঢাকা

সংবাদ গতিধারা

ঢাকা, রোববার ১৬ অক্টোবর ২০১৬, ১ কার্তিক ১৪২৩

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। ভারতের গোয়ায় অষ্টম ব্রিক্স-বিমসটেক সম্মেলন শুরু : প্রধানমন্ত্রী আজ ভারত যাচ্ছেন
- ২। সম্পর্ক নতুন উচ্চতায় নিয়ে ঢাকা ছাড়লেন চীনের প্রেসিডেন্ট
- ৩। বিদ্যুৎ-জ্বালানি খাতে ব্যাপক উন্নয়ন হবে : চীনের সঙ্গে ঋণ চুক্তি
- ৪। দক্ষিণ এশিয়ার অব্যবহৃত সভাবনাকে কাজে লাগাতে হবে : রাষ্ট্রপতি
- ৫। ক্ষমতা দখলকারীদের ব্যাপারে সতর্ক থাকার আহ্বান প্রধানমন্ত্রী শেখ হাসিনার
- ৬। ঢাকা মেডিকেল কলেজ হাসপাতালে চিকিৎসাধীন জোড়া শিশুর চিকিৎসার ব্যয় বহন করবে সরকার : স্বাস্থ্যমন্ত্রী
- ৭। কলেজছাত্রী খাদিজার হামলাকারী বদরংলের বিচার দ্রুত শেষ হবে : স্বরাষ্ট্রমন্ত্রী
- ৮। ভারতের পাশাপাশি চীনের সঙ্গেও সুসম্পর্ক থাকবে : জনপ্রশাসনমন্ত্রী
- ৯। বাংলাদেশের সাফল্য দেখতে আজ আসছেন বিশ্বব্যাংক প্রেসিডেন্ট
- ১০। ত্রিদেশীয় মহাসড়কে যুক্ত হতে চায় বাংলাদেশ
- ১১। ঢাকা মেডিকেল কলেজ হাসপাতালের সামনে দুর্ঘটনায় নিহত ৪
- ১২। আজ বিশ্ব খাদ্য দিবস

১। **ভারতের গোয়ায় অষ্টম ব্রিকস-বিমসটেক সম্মেলন শুরু : প্রধানমন্ত্রী আজ ভারত যাচ্ছেন**

ভারতের গোয়ায় গতকাল ১৫ অক্টোবর শনিবার শুরু হয়েছে অষ্টম ব্রিকস-বিমসটেক সম্মেলন। দুই দিনব্যাপী এ সম্মেলনে ভারত, চীন, রাশিয়া, ব্রাজিল ও দক্ষিণ আফ্রিকাসহ ১১টি দেশের রাষ্ট্র ও সরকারপ্রধানরা অংশ নিচ্ছেন। সম্মেলনের দ্বিতীয় দিন আজ রয়েছে ব্রিকস-বিমসটেক বৈঠক। বাংলাদেশ বিমসটেকের সদস্য হওয়ায় প্রধানমন্ত্রী শেখ হাসিনা ব্রিকস সম্মেলনে যোগদানের উদ্দেশ্যে আজ ভারত যাচ্ছেন। ২৩ ঘন্টার সংক্ষিপ্ত সফরে প্রধানমন্ত্রী শেখ হাসিনা সম্মেলনে অংশগ্রহণ ছাড়াও ভারতের প্রধানমন্ত্রী নরেন্দ্র মোদি, রাশিয়ার প্রেসিডেন্ট ভ্রাদিমির পুতিন, ভুটানের প্রধানমন্ত্রী শেরিং টোবগে, নেপালের প্রধানমন্ত্রী পুঞ্জ কমল দহলের সঙ্গে দ্বিপক্ষীয় বৈঠকে মিলিত হবে। সূত্র-সংবাদ (পৃ.১,ক.২), ইন্ডিলাব (পৃ.১,ক.৫), ইভিপেনডেন্ট (পৃ.১,ক.২), নিউজ টুডে (পৃ.১,ক.৮), ভোরের কাগজ এ বিষয়ে লিড নিউজ ছেপেছে।

২। **সম্পর্ক নতুন উচ্চতায় নিয়ে ঢাকা ছাড়লেন চীনের প্রেসিডেন্ট**

ঢাকা-বেইজিংয়ের দ্বিপক্ষীয় সম্পর্ক কৌশলগত অংশীদারিত্ব উন্নীত করে দুইদিনের সফর শেষে ঢাকা ছেড়েছেন চীনের প্রেসিডেন্ট শি জিনপিং। গতকাল ১৫ অক্টোবর শনিবার সকাল সোয়া ১০টার পর ভারতের গোয়ার উদ্দেশ্যে তিনি ঢাকা ছাড়েন। হ্যারত শাহজালাল আন্তর্জাতিক বিমানবন্দরের ভিভিআইপি টার্মিনালে প্রধানমন্ত্রী শেখ হাসিনা ফুলের তোড়া দিয়ে চীনা প্রেসিডেন্টকে বিদায়ী শুভেচ্ছা জানান। প্রেসিডেন্ট গার্ড রেজিমেন্টের একটি দল চীনা প্রেসিডেন্টকে সামরিক কায়দায় বিদায়ী অভিবাদন জানায়। গত ১৪ অক্টোবর শুক্রবার সকালে ঢাকায় পৌঁছার পর নানা কর্মসূচিতে তিনি ব্যস্ত সময় পার করেন। সূত্র-যুগান্তর (শেষ পৃ.,ক.১), সংবাদ, জনকর্ত, যায়বায়দিন, সমকাল, ইভিপেনডেন্ট এ বিষয়ে লিড নিউজ ছেপেছে।

ইন্ডিলাব, ইন্ডিফাক, যায়বায়দিন, নিউজ টুডে, ইভিপেনডেন্ট, ডেইলি সানসহ অধিকাংশ পত্রিকা এ বিষয়ে ছবিসহ খবর ছেপেছে।

৩। **বিদ্যুৎ-জ্বালানি খাতে ব্যাপক উন্নয়ন হবে : চীনের সঙ্গে ঝণ চুক্তি**

বিদ্যুৎ খাতের উন্নয়নে বাংলাদেশ-চীন সম্পর্ক আরও একধাপ অগ্রসর হয়েছে চীনা প্রেসিডেন্ট শি জিনপিং এর সফরের মধ্য দিয়ে। গত শুক্রবার প্রধানমন্ত্রী শেখ হাসিনা ও চীনা রাষ্ট্রপতির বৈঠক শেষে দুই দেশের মধ্যে ২৭ টি চুক্তি ও সমবোতা স্মারক স্বাক্ষর হয়েছে। এর মধ্যে ১৫টি চুক্তি ও সমবোতা স্বাক্ষর এবং ১২টি ঝণ ও দ্বিপক্ষীয় চুক্তি। পটুয়াখালীতে এক হাজার ৩২০ মেগাওয়াটের দুটি বিদ্যুৎ প্রকল্পসহ ছয় প্রকল্পের উন্নোধন করা হয়েছে। রাজধানীর বিদ্যুৎ বিতরণ ব্যবস্থার উন্নয়নেও একটি চুক্তি হয়েছে। সূত্র-সংবাদ (পৃ.১,ক.৪)।

৪। **দক্ষিণ এশিয়ার অব্যবহৃত সম্ভাবনাকে কাজে লাগাতে হবে : রাষ্ট্রপতি**

শুধু বহিমুখী না হয়ে আঞ্চলিক অর্থনৈতিক উন্নয়নের জন্য দক্ষিণ এশিয়ার অব্যবহৃত সম্ভাবনাগুলো কাজে লাগানোর আহ্বান জানিয়েছেন রাষ্ট্রপতি মো. আবদুল হামিদ। রাজধানীতে গতকাল ১৫ অক্টোবর শনিবার দক্ষিণ এশিয়া অর্থনৈতিক শীর্ষ সম্মেলনের উন্নোধন অনুষ্ঠানে এ আহ্বান জানান তিনি। রাষ্ট্রপতি বলেন, পুঁজি ও বাণিজ্যের বর্তমান বৈশ্বিক প্রবাহের সুফল পেতে এ অঞ্চল বহিমুখী হচ্ছে। তবে দক্ষিণ এশিয়ার ভেতরে আন্তঃআঞ্চলিক অর্থনৈতিক সহযোগিতা থেকে সুফল পেতে এখনো অনেক সম্ভাবনা কাজে লাগানোর বাকি আছে। আরো গতিশীল ও উদীয়মান দক্ষিণ এশিয়া গড়তে আরো সমন্বিত ও কার্যকর পদক্ষেপ নেয়ার এখনই সময়। বাংলাদেশের টেকসই উন্নয়ন লক্ষ্য (এসডিজি) অর্জনে আঞ্চলিক সহযোগিতার প্রয়োজনীয়তার কথাও তুলে ধরেন রাষ্ট্রপতি। সূত্র-ভোরের কাগজ (শেষ পৃ.,ক.২), জনকর্ত (শেষ পৃ.,ক.৭), নিউজ টুডে (পৃ.৩,ক.৬), ডেইলি সান (পৃ.৩,ক.২)।

৫। **ক্ষমতা দখলকারীদের ব্যাপারে সতর্ক থাকার আহ্বান প্রধানমন্ত্রী শেখ হাসিনার**

ক্ষমতা জবরদখলকারীদের ব্যাপারে সতর্ক থাকতে দেশবাসীর প্রতি আহ্বান জানিয়েছেন প্রধানমন্ত্রী শেখ হাসিনা। তিনি বলেছেন, এটা জনগণের জন্য খুবই দুর্ভাগ্যজনক যে তাদের ক্ষমতা জবরদখলকারীদের কাছ থেকে

গণতন্ত্রের কথা শুনতে হয়। প্রধানমন্ত্রী শেখ হাসিনা গতকাল ১৫ অক্টোবর শনিবার তার সরকারি বাসভবন গণভবনে আওয়ামী লীগের জাতীয় কমিটির সভায় দেওয়া বক্তব্যে এ কথা বলেন। সূত্র-প্রথম আলো (পৃ.২,ক.১), জনকর্ত্ত (পৃ.১,ক.৬), নিউজ টুডে (শেষ পৃ.,ক.২), ডেইলি সান (পৃ.১,ক.২)।

৬। ঢাকা মেডিকেল কলেজ হাসপাতালে চিকিৎসাধীন

জোড়া শিশুর চিকিৎসার ব্যয় বহন করবে সরকার : স্বাস্থ্যমন্ত্রী

দুই মাথা, চার হাত ও চার পায়ের একটি (পাইগোপেগাস) মেয়ে শিশুর চিকিৎসার ব্যয় বহন করবে সরকার। গতকাল ১৫ অক্টোবর শনিবার দুপুরে ঢাকা মেডিকেল কলেজ হাসপাতালে আকস্মিক পরিদর্শনে এসে স্বাস্থ্য ও পরিবারকল্যাণমন্ত্রী মোহাম্মদ নাসিম এ ঘোষণা দেন। স্বাস্থ্যমন্ত্রী ঢাকা মেডিকেল কলেজ হাসপাতালের চিকিৎসা সেবা ও পরিষ্কার-পরিচ্ছন্নতা পরিদর্শনে এলে এ শিশুর পিতা-মাতা ও ডাঙ্গারো জোড়া শিশুর বিষয়ে মন্ত্রীকে অবগত করেন। তিনি তৎক্ষণাত সংশ্লিষ্ট চিকিৎসকদের সঙ্গে কথা বলেন এবং এ জোড়া শিশুটির চিকিৎসার সব ব্যয় সরকারের পক্ষ থেকে বহনের ঘোষণা দেন। সূত্র-যুগান্তর (পৃ.৩,ক.৮), ইতেফাক (শেষ পৃ.,ক.৪), জনকর্ত্ত (পৃ.৩,ক.৬), অবজারভার (পৃ.৩,ক.৮)।

৭। কলেজছাত্রী খাদিজার হামলাকারী বদরগ্রের বিচার দ্রুত শেষ হবে : স্বরাষ্ট্রমন্ত্রী

স্বরাষ্ট্রমন্ত্রী আসাদুজ্জামান খান কামাল বলেছেন, সিলেটে কলেজছাত্রী খাদিজা আঙ্গার নার্গিসের হামলাকারী বদরগ্রে আলমকে শীত্রাই বিচারের মুখোযুখি করা হবে। গতকাল ১৫ অক্টোবর শনিবার বিকালে রাজধানীর ফার্মগেটে এশিয়া প্যাসিফিক ইউনিভার্সিটি ক্যাম্পাসে নবম জাতীয় শিক্ষার মান উন্নয়ন সম্মেলন শেষে তিনি একথা বলেন। সূত্র-ইতেফাক (পৃ.১৭,ক.১), ইনকিলাব (পৃ.১,ক.৬), নিউজ টুডে (শেষ পৃ.,ক.১), অবজারভার (পৃ.৩,ক.৫)।

৮। ভারতের পাশাপাশি চীনের সঙ্গেও সুসম্পর্ক থাকবে : জনপ্রশাসনমন্ত্রী

জনপ্রশাসনমন্ত্রী সৈয়দ আশরাফুল ইসলাম দেশের উন্নয়নের বিষয়টিকে অগ্রাধিকার দিয়ে ভারতের পাশাপাশি চীনের সঙ্গেও সুসম্পর্ক রাখার ওপর গুরুত্বপূর্ণ করে বলেছেন, আওয়ামী লীগের নেতৃত্বাধীন বর্তমান সরকারের সঙ্গে ভারতের নিবিড় সম্পর্ক বিদ্যমান। সেই সঙ্গে অবকাঠামোসহ অর্থনৈতিক উন্নয়নে চীনের সঙ্গেও সম্পর্ক জোরদার হচ্ছে। চীন এখন সুপুর পাওয়ার। গতকাল ১৫ অক্টোবর শনিবার চীনের প্রেসিডেন্টকে বিদায় জানানোর পর হয়রত শাহজালাল আন্তর্জাতিক বিমানবন্দরে তিনি এসব কথা বলেন। সূত্র-জনকর্ত্ত (পৃ.১,ক.১), ভোরের কাগজ (শেষ পৃ.,ক.৬), নিউজ টুডে (শেষ পৃ.,ক.৫), ডেইলি সান (পৃ.৩,ক.৬)।

৯। বাংলাদেশের সাফল্য দেখতে আজ আসছেন বিশ্বব্যাংক প্রেসিডেন্ট

দারিদ্র্য বিমোচনে বাংলাদেশের অসাধারণ সাফল্য দেখতে আজ ১৬ অক্টোবর রোববার ঢাকা আসছেন বিশ্বব্যাংকের প্রেসিডেন্ট জিম ইয়ং কিম। কঠিন চ্যালেঞ্জ সত্ত্বেও নিম্ন মধ্য আয়ের দেশের সারিতে উঠে আসা বাংলাদেশের সাফল্য স্বচক্ষে দেখা ছাড়াও এবার ‘বিশ্ব দারিদ্র্য বিমোচন দিবস’ বাংলাদেশে পালন করবেন তিনি। দুইদিনের এই সফরে আগামীকাল ‘বিশ্ব দারিদ্র্য বিমোচন দিবস’ উপলক্ষে ঢাকায় আয়োজিত অনুষ্ঠানে যোগ দেবেন তিনি। সূত্র-ইতেফাক (শেষ পৃ.,ক.৫), যুগান্তর (পৃ.১,ক.১), ইভিপেনডেন্ট (পৃ.১,ক.৫), নিউজ টুডে (পৃ.১,ক.৫)।

১০। ত্রিদেশীয় মহাসড়কে যুক্ত হতে চায় বাংলাদেশ

ভারতের গোয়ায় ব্রিকস ও বিমসটেক আউটরিচের প্রাক্কালে বাংলাদেশ জানিয়েছে, মিয়ানমারের মধ্য দিয়ে সড়কপথে থাইল্যান্ড তথা দক্ষিণ-পূর্ব এশিয়ার সঙ্গে সংযোগ স্থাপন করা তাদের একটি বড় লক্ষ্য। এই মুহূর্তে ভারত-মিয়ানমার-থাইল্যান্ডের মধ্য দিয়ে যে ত্রিদেশীয় হাইওয়ের পরিকল্পনা চলছে, বিমসটেকের মাধ্যমে বাংলাদেশকেও তাতে যুক্ত করার চিন্তা-ভাবনা করা হচ্ছে। সূত্র-জনকর্ত্ত (পৃ.১,ক.৮), ইতেফাক (পৃ.২,ক.৪), ইভিপেনডেন্ট (পৃ.২,ক.৮)।

১১। ঢাকা মেডিকেল কলেজ হাসপাতালের সামনে দুর্ঘটনায় নিহত ৪

গতকাল ১৫ অক্টোবর শনিবার ঢাকা মেডিকেল কলেজ হাসপাতালের প্রবেশপথে অ্যাম্বুলেন্সের চাপায় তিনজন নিহত হয়। ঢাকা মেডিকেল কলেজ হাসপাতালের জরুরি বিভাগের সামনের গেটে অ্যাম্বুলেন্সের চাপায়

গর্ভের সত্তান মারা যাওয়ায় পর এবার চলে গেলেন মা আমেনা বেগম। সন্ধ্যা ছয়টার দিকে ঢাকা মেডিকেল কলেজ হাসপাতালের নিবিড় পরিচর্যাকেন্দ্রে চিকিৎসারত অবস্থায় মারা যান তিনি। আইসিইউর চিকিৎসক তোহিদুল ইসলাম এ কথা জানান। দুর্ঘটনার পর অ্যাম্বুলেন্সের চালক সোহেলকে আটক করে শাহবাগ থানায় নেওয়া হয়েছে। সূত্র-ইন্কিলাব (পৃ.১,ক.৬), নিউজ টুডে (শেষ পৃ.,ক.৬), ইভিপেনডেন্ট (পৃ.১,ক.১), ইন্ডিফাক, প্রথম আলো, নিউ নেশন এ বিষয়ে লিড নিউজ ছেপেছে।

## ১২। আজ বিশ্ব খাদ্য দিবস

আজ বিশ্ব খাদ্য দিবস। বিশ্বের অন্যান্য দেশের মতো বাংলাদেশেও দিবসাটি উদযাপিত হচ্ছে। এ বছর দিবসটির মূল প্রতিপাদ্য নির্ধারণ করা হয়েছে : ‘জলবায়ু পরিবর্তনের সাথে খাদ্য এবং কৃষি বদলাবে’। দিবসটি উপলক্ষে রাষ্ট্রপতি মো. আবদুল হামিদ ও প্রধানমন্ত্রী শেখ হাসিনা পৃথক বাণী দিয়েছেন। সূত্র-ইন্ডিফাক (পৃ.১৯,ক.৩), জনকর্ত (পৃ.১,ক.৮), নিউজ টুডে (পৃ.২,ক.৫), এশিয়ান এজ (পৃ.১,ক.৩)।

### সম্পাদকীয়

- ক. সংবাদ, সমকাল, যুগান্তর, ইন্কিলাব, ভোরের কাগজ, যায়বায়দিন, ফিনানশিয়াল এক্সপ্রেস, ইভিপেনডেন্ট, ডেইলি সান, ডেইলি স্টার, নিউজ টুডে : চীনা প্রেসিডেন্টের বাংলাদেশ সফর দু'দেশের সম্পর্ক নতুন উচ্চতায় নিয়ে গেছে বলে মন্তব্য করে তাতে অর্থনৈতিক প্রবৃদ্ধিতে ইতিবাচক প্রতিফলন হওয়ার প্রত্যাশা।
- খ. ইন্ডিফাক, নিউ নেশন : মানি লভারিং প্রতিরোধে যুক্তরাজ্যে বাংলাদেশ সোনালি ব্যাংক ব্যর্থ হওয়ায় ব্যাংকের বিরুদ্ধে আগামী ২৪ সপ্তাহের জন্য রেমিটেন্স সংগ্রহের বাইরে আমানত সংগ্রহে নিয়েধাজ্ঞা জারি হওয়ার ঘটনা তুলে ধরে এ ধরনের ঘটনার পুনরাবৃত্তি রোধে কর্তৃপক্ষকে বিশেষ দৃষ্টি দেওয়ার আহ্বান।
- গ. জনকর্ত : মানহীন ও ভেজাল ওয়্যাধ উৎপাদন ও বাজারজাতবন্ধে প্রয়োজনীয় পদক্ষেপ গ্রহণ করে তা দ্রুত কার্যকর করার সুপারিশ।
- ঘ. প্রথম আলো : রাজধানীর জাতীয় মানসিক স্বাস্থ্য ইনসিটিউট ও হাসপাতালের দুরবস্থা তুলে ধরে এর অব্যবস্থাপনা দূর করতে স্বাস্থ্য মন্ত্রণালয়কে দ্রুত পদক্ষেপ নেওয়ার আহ্বান।
- ঙ. সমকাল : নারায়ণগঞ্জ জেলার ৪২৫টি সরকারি প্রাথমিক বিদ্যালয়ের ১৪৮টিতে প্রধান শিক্ষকের পদ ‘শূন্য’ থাকাসহ ৭৭টি সহকারী শিক্ষকের পদ ‘শূন্য’ থাকায় এসব শূন্য পদে শিক্ষক নিয়োগ দেওয়ার সুপারিশ।
- চ. ইন্কিলাব : চকরিয়ার ম্যানগ্রোভ বন ধ্বংসের সাথে জড়িতদের বিরুদ্ধে কঠোর শাস্তির ব্যবস্থা করে দ্রষ্টান্ত স্থাপন করা উচিত বলে অভিমত।
- ছ. ইভিপেনডেন্ট : দেশের প্রবীণ নাগরিকদের সমাজের বিভিন্ন কর্মকাণ্ডে সম্পৃক্ত করে তাদের অভিজ্ঞতা কাজে লাগিয়ে উন্নয়ন কর্মকাণ্ডকে আরও ত্বরিত করার প্রত্যাশা ব্যক্ত।
- জ. ডেইলি সান : চাষীদের উৎপাদিত আলুসহ অন্যান্য সবজি ও ফলমূল সংরক্ষণে পর্যাপ্ত কোল্ড স্টোরেজ গড়ে তোলার ওপর গুরুত্বারোপ।
- ঝ. ডেইলি স্টার : সৌন্দ আরব থেকে আমদানিকৃত ইউরিয়া সারের বস্তায় ৫০ কেজির স্থলে ৪২ থেকে ৪৩ কেজি সার থাকায় আমদানিকারক প্রতিষ্ঠান বিসিআইসি'র ৩ কোটি টাকা ক্ষতি হওয়ায় এ বিষয়ের বিরুদ্ধে যথাযথ তদন্ত করে দায়ীদের বিরুদ্ধে ব্যবস্থা নেওয়ার সুপারিশ।
- ঝ. নিউ এজ : প্রজনন স্বাস্থ্য সেবার উন্নয়নে সমাজের কল্যাণ শিশু ও নারীদের অধিক স্বাস্থ্য সেবা নিশ্চিত করার ওপর গুরুত্বারোপ করে সম্পাদকীয় প্রকাশ করেছে।

### উপ-সম্পাদকীয়

ইন্ডিফাক পত্রিকায় প্রকাশিত কলামে জঙ্গি দমন ও নিয়ন্ত্রণ করতে চাইলে জঙ্গি অর্থায়নের অর্থের উৎস বন্ধ করা একান্ত দরকার বলে উল্লেখ করা হয়েছে।

### নিবন্ধ ও ফিচার

যুগান্তর পত্রিকায় প্রকাশিত ‘খাদ্য ও কৃষি হতে হবে জলবায়ু পরিবর্তনের সমানুপাতিক’ শিরোনামের নিবন্ধে আবদুল লতিফ মন্ডল জলবায়ু পরিবর্তন প্রতিরোধ সম্বর নয়, তবে সার্বিক কৃষি ব্যবস্থাপনাকে যুগোপযোগীকরণে এফএও নির্দেশিত বিষয়গুলোর ওপর গুরুত্ব প্রদান এবং যতটা সম্ভব খাদ্যাভ্যাস পরিবর্তনের মাধ্যমে কৃষির ওপর জলবায়ু পরিবর্তনের ক্ষতিকর প্রভাব বহুলাংশে কমিয়ে আনা যেতে পারে বলে অভিমত প্রকাশ করেছেন।

#

